

Broj: 02C-4039-10/24

Datum: 21.05.2024. godine

Na osnovu člana 88., člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14 i 59/22), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku usluga broj: 02C-4039-8/24 od 10.05.2024. godine, u postupku javne nabavke usluga – **Održavanje bolničkih vozila, JN 23/24**, direktor Javne ustanove Opća bolnica „Prim. dr. Abdulah Nakaš“, donio je

**ODLUKU**  
**o izboru najpovoljnijeg ponuđača**  
**za LOT 2 i LOT 3**

**Član 1.**

Prihvata se Preporuka Komisije za nabavku usluga, broj: 02C-4039-8/24 od 17.05.2024. godine za javnu nabavku usluga : Održavanje bolničkih vozila, po lotovima:

LOT 2 – Održavanje-Servisiranje sanitetska vozila „Peugeot Boxer“ i „Peugeot 2008“

LOT 3 - Održavanje- Servisiranje putničkog vozila „Fabia“

te se Okvirni sporazumi za javnu nabavku usluga Održavanje bolničkih vozila, dodjeljuju ponuđačima, po lotovima kako slijedi:

Ponuđaču **AC BLOK d.o.o. Sarajevo**, ponuda dostavljena dana 16.05.2024. godine za ponuđenu cijenu za LOT 2 – 10.000,00 KM bez uračunatog PDV-a, odnosno 11.700,00 KM sa uračunatim PDV-om kao jedinom i prihvatljivom

Ponuđaču **PORSCHE INTER AUTO BIH d.o.o. Sarajevo**, ponuda dostavljena dana 17.05.2024. godine za ponuđenu cijenu za LOT 3 – 2.000,00 KM bez uračunatog PDV-a, odnosno 2.340,00 KM sa uračunatim PDV-om kao jedinom i prihvatljivom ponuđaču.

**Član 2.**

Postupak iz člana 1. ove Odluke proveden je metodom „konkurentski zahtjev za dostavu ponuda“, te je nakon otvaranja ponuda trebala biti provedena provedena „E-aukcija“, a za izbor najpovoljnijeg ponuđača korišten je kriterij „najniža cijena“. Ugovorni organ je u Tenderskoj dokumentaciji predvidio provođenje E-aukcije.

**Član 3.**

Nakon prijema i evaluacije ponuda konstatovano je da su ponude za predmetnu nabavku dostavila 2 (dva) kvalifikovana ponuđača i to za LOT 2 ponuđač AC BLOK d.o.o. Sarajevo, a za LOT 3 ponuđač PORSCHE INTER AUTO BIH d.o.o. Sarajevo.

U skladu sa članom 4.stav (2) Pravilnika o uslovima i načinu korištenja E-aukcije („Službeni glasnik BiH“ broj 80/23) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69.Zakona o javnim nabavkama („Službeni glasnik BiH“ broj 39/14 i 59/22).

U predmetnom postupku nisu zaprimljene nekvalifikovane ponude.

#### **Član 4.**

Izabrani ponuđači AC BLOK d.o.o. Sarajevo i PORSCHE INTER AUTO BIH d.o.o. Sarajevo, oslobađaju se obaveze da dostave originale ili ovjerene kopije dokumentacije iz člana 45. Zakona o javnim nabavkama, obzirom da su iste dostavili uz ponudu.

#### **Član 5.**

Prijedlog okvirnog sporazuma dostavit će se na potpis izabranim ponuđačima nakon isteka roka od 10 (deset) dana, računajući od dana prijema Odluke o izboru najpovoljnijeg ponuđača.

#### **Član 6.**

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ ([www.obs.ba](http://www.obs.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

#### **Član 7.**

Ova Odluka stupa na snagu danom donošenja, i dostavlja se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 02C-4039-1/24 od 02.04.2024. godine.

Javna nabavka je sprovedena putem konkurentskog zahtjeva za dostavu ponuda, JN 23/24.

Ukupna procijenjena vrijednost javne nabavke bez PDV-a iznosi: 15.000,00 KM, odnosno po lotovima:

1. LOT 2 – Održavanje – servisiranje sanitetska vozila: PEUGEOT BOXER i PEUGEOT 2008: 10.000,00 KM
2. LOT 3 – Održavanje – servisiranje putničkog vozila “FABIA”: 2.000,00 KM

Obavještenje o nabavci broj: 1125-7-2-84-8-162/24, objavljen na Portalu JN dana 09.05.2024. godine, a u „Službenom glasniku BiH“ do dana donošenja ove Odluke nije objavljeno.

Komisija za nabavku, imenovana je Rješenjem broj: 02C-4039-2/24 od 02.04.2024. godine.

Komisija za javnu nabavku u postupku javne nabavke usluga: Održavanje bolničkih vozila, dostavila je direktoru Javne ustanove Opća bolnica „Prim. dr. Abdulah Nakaš“, Zapisnik o pregledu i ocjeni ponuda broj: 02C-4039-7/24 od 17.05.2024. godine, Preporuku o izboru najpovoljnijeg ponuđača broj: 02C-4039-8/24 od 17.05.2024. godine i Izvještaj o radu broj: 02C-4039-9/24 od 17.05.2024. godine.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku primljene 2 ponude,
- da su blagovremeno primljene 2 ponude,
- da nije bilo neblagovremeno primljenih ponuda,
- da je ponuda ponuđača „AC BLOK d.o.o. Sarajevo , kvalifikovana i prihvatljiva za LOT 2
- da je ponuda ponuđača PORSCHE INTER AUTO BIH d.o.o. Sarajevo, kvalifikovana i prihvatljiva za LOT 3

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu početne i konačne ponude, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentima. Uvidom u priloženu dokumentaciju, nesporno je da su izabrani ponuđači najbolje ocijenjen zbog najniže cijene

Razlozi donošenja odluke o izboru:

Za LOT 2 – Održavanje – servisiranje sanitetska vozila: “PEUGEOT BOXER” i ”PEUGEOT 2008” - Obzirom da je ponuda ponuđača AC BLOK d.o.o. Sarajevo ocjenjena kao prihvatljiva za LOT 2, to je Komisija za nabavku predložila prihvatanje ponude, pa je shodno članu 70. Zakona, donošena odluka o izboru ponude ponuđača AC BLOK d.o.o. Sarajevo, kao jedine i prihvatljive za predmetnu nabavku. Cijena ponude za LOT 2 na godišnjem nivou bez PDV-a iznosi 10.000,00 KM, a ukupna cijena ponude je 11.700,00 KM sa uračunatim PDV-om.

Za LOT 3 – Održavanje – servisiranje putničkog vozila “FABIA” - Obzirom da je ponuda ponuđača PORSCHE INTER AUTO BIH d.o.o. Sarajevo ocjenjena kao prihvatljiva za LOT 3, to je Komisija za nabavku predložila prihvatanje ponude, pa je shodno članu 70. Zakona, donošena odluka o izboru ponude ponuđača PORSCHE INTER AUTO BIH d.o.o. Sarajevo, kao jedine i prihvatljive za predmetnu nabavku. Cijena ponude za LOT 3 na godišnjem nivou bez PDV-a iznosi 2.000,00 KM, a ukupna cijena ponude je 2.340,00 KM sa uračunatim PDV-om.

Izabrani ponuđači su izabrani primjenjujući kriterij: Najniža cijena.

Iz navedenih razloga, primjenom člana 88., člana 64. stav 1. tačka b) Zakona o javnim nabavkama, člana 70. stavovi 1., 3. i 6. Zakona o javnim nabavkama („Sl. glasnik BiH“ broj: 39/14, 59/22), člana 8. stav 2. tačke d) i f) Pravilnika o uspostavljanju i radu Komisije za nabavke („Sl. glasnik BiH“ broj: 103/14) i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo. Žalba se podnosi u najmanje 3 (tri) primjerka.


Pripremila:

Emina Turković, dipl.iur.

Stručni saradnik za javne nabavke



Kontrolisala:

Amira Petrović, BA općeg prava,   
Šef odsjeka javnih nabavki



**DIREKTOR**  
**Prof. dr. Ismet Gavrankapetanović**

**Dostaviti:**

- AC BLOK d.o.o. Sarajevo,  
Džemala Bijedića broj 253, 71000 Sarajevo
- PORSCHE INTER AUTO BIH d.o.o. Sarajevo,  
Bulevar Meše Selimovića broj 16, 71000 Sarajevo
- Odjeljenje za ekonomsko finansijske poslove
- Komisiji za javne nabavke
- Odjeljenje za tehničke poslove i investicije